



**OFICINA PRINCIPAL DI DEPARTAMENTO
DI IMPUESTO TA CERA PA PUBLICO DIA
25 Y 26 DI AUGUSTUS 2025
EN CONEXION CU TRABOUNAN DI
MANTENCION NECESARIO**



WWW.SOLODIPUEBLO.COM



SOLODIPUEBLO@GMAIL.COM

**FISCAL TA EXIGI 3 Y 2 AÑA DI PRISON
PA DOS HOMBER HAITIANO CU A HACI
ATRACO ARMA RIBA PAREHA TURISTA**

**MERCA TA PIDI SU
CIUDADANONAN PA NO
BIAHA PA VENEZUELA**



**AWE FRACCION DI PPA TA
PRESENTA AMIENDA PA
PONE PLACA DISPONIBEL
PA CENTRONAN DI BARIO**



**CU AMOR GRANDI PA
SU PAIS ARUBA
ASHER PATEL TA CONTA
DI SU EXPERIENCIA NA
ASU2025**

CU AMOR GRANDI PA SU PAIS ARUBA ASHER PATEL TA CONTA DI SU EXPERIENCIA NA ASU2025



Despues di a core un careda fuerte den e 1500m aki na Asuncion-Paraguay, #TeamARU Asher Patel ta conta con e desafio aki a bay y kico tin pa futuro. Asher ta conta con sumamente agradici e ta di por a representa su famia,

COA y pais Aruba na e Weganan Panamericano Junior ASU2025, demostrando cu Aruba ta “punch above its weight” na Weganan di e nivel aki. Scucha Asher elabora mas di e oportunidad unico aki. #TEAMARU



Ministro di Husticia y Asunto Social ta anuncia cu entrante **28 augustus 2025** segun Ley di Molester, durante 30 dia lo tin oportunidad pa un y tur tuma conocimiento na Departamento di Legislacion y Asunto Huridico, **Schotlandstraat 53** di un peticion di permiso cu a ser haci pa un instalacion di gas **di 1x 120 galon na Palm Beach 51**. Den e periodo aki tur hende por expresa por escrito nan desacuerdo cu dunamento di e permiso menciona. Esaki mester ta dirigi na Ministro di Husticia y Asunto Social mediante director di Departamento di Legislacion y Asunto Huridico, Schotlandstraat 53.



Ministro encarga cu Turismo & Salubridad ta anuncia cu entrante **25 augustus 2025** durante 14 dia lo tin oportunidad pa un y tur tuma conocimiento na Departamento di Legislacion y Asunto Huridico, **Schotlandstraat 53**, di un peticion cu a ser haci pa obtene un **koffiehuis- y un restaurantvergunning B** pa e parcela na **Nieuwstraat 36, Unit 4**. E permisonan aki ta concerni e.o. benta di bebida sterki por detal y cuminda pa wordo consumi den e parcela. Den e periodo aki tur hende por expresa por escrito nan desacuerdo contra dunamento di e permisonan menciona, dirigi na e Ministro encarga cu Turismo & Salubridad via intermediacion di Director di Departamento di Legislacion y Asunto Huridico, Schotlandstraat 53.

Clasificados

SOLODIPUEBLO@GMAIL.COM
CEL.585 9500

MERCA TA PIDI SU CIUDADANONAN PA NO BIAHA PA VENEZUELA

Diahuebs ultimo, Merca a emiti un advertencia nobo di "no biaha" pa Venezuela, urgiendo su ciudadano y residentenan pa evita drenta of keda den e pais pa motibo di e riesgo halto di detencion arbitrario, tortura, secuestro, abuso policial, crimen violento y disturbio civil.

"E gobierno di Merca ta adverti cualkier ciudadano Mericano of residente den e pais pa no biaha ni keda na Venezuela", e mision diplomatico di Merca a indica, cu ta operando for di Colombia.

E comunicado ta enfatisa cu e ciudadanonan Mericano por confronta violacionnan grave na nan derecho humano riba teritorio Venezolano.

Tambe a recorda cu e Embahada di Merca na Caracas a keda cera desde 2019 y cu, den caso di detencion, mester notifica esaki na e adres di email ACSBogota@state.gov.

NO BIAHA

E Gobierno di Merca ta adverti cualkier ciudadano Mericano of cu tin cualkier tipo di residencia na Merca, pa no biaha ni keda na Venezuela pa motibo di e riesgonan serio di detencion ilegal.

Tension ta subi

E advertencia ta tuma luga memey di un episodio nobo di tension entre Washington y e gobierno di Nicolas Maduro, despues di e despliegue militar Mericano den Caribe contra narcotrafico, un operacion cu Caracas a



denuncia como un menasa pa su soberania.

Pa varios aña caba, Venezuela a keda na nivel 4

di riesgo ("Do Not Travel"), e categoria mas halto den e sistema di alerta di e Departamento di Estado,

pa motibo di e inseguridad generalisa, e falta di ley y orden y e persecucion politico.

ANIVERSARIO DI OPPA, 26 DI AUGUSTUS 2025

OPPA, Organizacion di Penshionado Publico di Aruba, ta celebra su di 37 aña di existencia.

Pa duna comienso na e celebracion y como muestra di gratitud, lo tin un Santo Sacrificio di Misa.

Fecha: Diadomingo 24 di Augustus 2025

Ora: 10:00 am

Misa: Sta. Filomena na Paradera

Bo(so) ta keda cordialmente invita pa asisti na e misa aki.

Tuma esaki como un invitacion personal!

Celebracion, pa e miembronan, ta sigui den forma di un fiesta diasabra 30 di Augustus 2025 na Renaissance Convention Center.

Carchi ta obtenibel na oficina di OPPA (9:00 am – 12:00 pm)

Te cu diahuebs 28 di Augustus 2025 (si tin ainda)!



STATEN VAN ARUBA

OPENBARE VERGADERING OP 27 AUGUSTUS 2025 OM
09:00 UUR V.M. IN DE VERGADERZAAL VAN DE STATEN VAN ARUBA

TE BEHANDELEN ONDERWERP

Agenda:

1. Ontwerp-landsverordening tot wijziging van de Landsverordening minimumlonen ter invoering van het minimumuurloon (invoering minimumuurloon)

De Griffier,

mr.drs. Herman Ch. J. Hek



NoticiadiCorte

FISCAL TA EXIGI 3 Y 2 AÑA DI PRISON PA DOS HOMBER HAITIANO CU A HACI ATRACO ARMA RIBA PAREHA TURISTA

ORANJESTAD – Awe mainta Hues di Corte di Husticia a trata e caso penal cu Ministerio Publico a cuminsa contra e hombernan di Haiti biba na Aruba W.E. (18) y R.M.B-A (21). Tur dos ta wordo sospecha di a haci atraco arma riba un pareha turista dia 3 September 2024.

SOLO DI PUEBLO por a compronde cu Fiscal a usa castigo hubenil contra W.E, kende e tempo ey tabatin 18 aña. Fiscal a exigí 2 aña di prison pa W.E. y 3 aña di prison pa R.M.B-A.

DOS TURISTA VICTIMA DI ATRACO ARMA Den Corte, W.E. a admiti dilanti Hues di a haci e atraco arma cu violencia. El a bisa cu e dia ey anochi e tabata bou influencia di droga. W.E. a bisa cu e y R.M.B-A a bay core rond cu un amigo y na dado momento, ora nan tabata riba un parking lot, e amigo a bin cu e plan pa haci e atraco riba e pareha turista cu tabata canando ey banda. Segun W.E., e no a haci violencia pero a coy e tas di e turista cu tabata benta abao y core bay cun'e na e auto. El a bisa Hues cu e turista homber tabata riba suela. Segun W.E., e no tabata sa cu tin arma di candela y no a mira arma di candela. Hues a mostra cu investigacion di Polis ta muestra cu den e "trash" di e celular di W.E. a haya potret di armanan di candela. Segun W.E., e no a saca potret di armanan pero por ta cu amigonan a manda potret p'e.

R.M.B-A. a bisa Hues cu e no a haci nada. El a bisa Hues cu e no a coy nada di e pareha turista. El a bisa cu ora el a mira cu nan a ataca e homber, el a spanta y a core drenta e auto. Hues a bisa cu e ta haya straño cu R.M.B-A. no a mira nada.

E ora ey el a bisa cu el a mira movecionnan y a core bay bek den auto. Hues a bisa cu tin un testigo cu a bisa cu el a mira 3 homber a ataca e pareha turista. R.M.B-A. ta para riba cu e no a haci nada. Hues a mostra cu e testigo a bisa cu despues di e atraco, e 3 hombernan a core bay hunto. R.M.B-A. a reacciona cu esey no ta berdad.

Hues a bisa cu tin imagen di camera di seguridad caminda Polis ta mira 3 homber ta baha for di e auto y ta core bay den direccion di e turistanan. Na opinion di Hues, esaki ta cuadra cu loke e testigo a declara. Hues a remarca cu R.M.B-A. a bisa cu el a core bay auto siendo cu riba camera ta mira nan ta bay riba e turistanan. R.M.B-A. a bisa Hues cu el a core pasobra e kier a usa e wifi ey banda pa ora su amiga jam'e.

Hues a mostra un otro aspect esta cu e auto Toyota blanco cu e trio tabata aden tabatin 7 minuut ta core rond na e parkinglot. Hues a remarca, pakico a tarda asina siendo cu segun declaracion di W.E., nan a bay orina.

Hues a mostra cu e dama turista M. a bisa cu nan tabata cana y diripiente 3 homber a core bin riba nan. Un di nan tabatin un arma di candela. E atracador a bis'e pa keda keto, a ranca su celular di dje. E turista a declara na Polis cu el a mira con e otro dos atracadornan, a ataca e homber y bent'e abao y bay cu su pertenencia. Hues a remarca cu loke e victima ta declara, no ta cuadra cu loke e dos sospechosonan a declara. E homber B. a bisa cu diripiente el a wordo gedal di lomba na su cara y el a perde

conocimiento. Polis a haya cellularnan y tabatin un papel cu number di W.E. Ta asina cu despues di mey ora di e atraco, a detene R.M.B-A. Ta asina cu nan tin 8 luna sera caba. Ta asina cu W.E. ta adicto na XTC y kier haya ayudo. R.M.B-A. tambe ta usa marihuana y XTC. E tambe kier haya ayudo. El a bisa cu e relacion cu su mama no ta bon. Nan no ta compronde otro y e ta haya cu lo ta bon pa haya ayudo.

FISCAL

Fiscal a bisa Hues cu W.E. y R.M.B-A ta bisa cu nan no sa nada di arma. Fiscal a remarca cu den celular di W.E a haya un potret di un arma cu ta un rato promer cu e atraco a sosode. E ta haya legalmente proba cu e duo aki ta culpabel di atraco cu violencia. Fiscal ta haya hopi serio cu a atraca e pareha turista. Na opinion di Fiscal, ta parce cu e dos acusadonan tabata droga y tabata pensa solamente riba nan mes. Fiscal a tuma nan na malo pa loke nan a haci.

Pa cu e castigo, Fiscal a bisa cu e ta tene cuenta cu W.E. tabata 17 aña ora el a haci e atraco y tabatin casonan habri ainda na Ministerio Publico. Fiscal ta haya cu tanto W.E. como R.M.B-A. mester di guia manera nan mes a pidi. Fiscal a exigí pa W.E. 24 luna di prison di cual 6 luna ta condicional y cu 2 aña prueba, bou guia di Reclasering. Pa R.M.B-A., Fiscal a exigí 3 aña di prison di cual 6 luna ta condicional cu 3 aña di prueba y bou guia di Reclasering. Hues, despues di a scucha defensa di e abogadoan, a cera tratamiento di e caso y a bisa cu e ta bay studia e caso y dia 12 September 2025, lo tin sentencia.

CHEVROLET A PEGA CANDELA MEMEY CAMINDA

Sabana Blanco - Diahuebs anochi polis y brandweer a bay poco pazuid di Pacifico Dakota, pa un auto cu lo a pega candela.

Esnan den e auto na yegada mas cu claro ya nan tawata pafo y mirando con e auto ta kima.

Bomberonan na yegada mucho no por a haci mas y solamente a keda na paga

e candela pa despues por kit'e for di caminda.

Nos a compronde na e sitio cu e candela probablemente a cumisa den e motor y esaki a expande hopi lihe, lagando e famia sin auto.

\ Polis por a ser mira tawata tumando datos y mester a warda takelwagen yega pa bay cu e auto, cu tawata memey di caminda.



AWE FRACCION DI PPA TA PRESENTA AMIENDA PA PONE PLACA DISPONIBEL PA CENTRONAN DI BARIO



Fraccion di PPA a yama e centronan di bario nan di Aruba pa asina reuni cu nan riba nan preocupacion, e reunion a bay bon . A invita tur 10 centronan di bario pero 5 so a presenta y caa un di nan ta activo. For di e reunion por a saca hopi informacion esencial pa loke ta trata e maneho di centronan di bario unda cu a trece nan puntonan y nan dolornan padilanti. Eduard Pieters di fraccin di PPA ta indica cu den pasado e la yega di expresa cu “ un comedo di webo no sa kico un ponedo di webo ta pasa aden” Pesey mes mester sinta y papia cu e personanan cu ta en

e veld y cu ta biba tur dia nan situacion dia pa dia pa asina por compronde kico nan ta pasando en dje. Personanan cu ta maneha centronan di bario ta personanan cu ta haci trabounan boluntario y cu ta dedica na comunidad y no ta haya ni un sen preto pa esaki. Fraccion di PPA ta aplaudi e motivacion cu nan tin pa haci e trabounan den centro di bario ta motivacion nan cu ta bin for di nan curason pa e bienestar di Aruba pero principalmente di nos muchanan y hobennan. Segun Eduard Pieters

motie no. 4
Fractie - PPA-MEP
OV # 25 d.d. 20 aug 2025
m.b.t OLV# 1031

MOCION

di Miembro di Parlamento sr. Otmar Oduber pa fraccion di PPA

STATEN VAN ARUBA

Ingek: 20 AUG 2025

Volgnr: IS/1101/24-25

Parlamento di Aruba, den reunion publico no. 25, dia 20 augustus 2025, tocante aprobacion di presupuesto supletorio 2025 di e ministerionan di pais Aruba,

Considerando cu:

- E centronan di bario tin un rol esencial den formacion y desaroyo di e comunidad di Aruba;
- E centronan di bario ta fungi como un luga pa e comunidad topa cu otro y ta stimula construcion di un comunidad, educacion, desaroyo social y participacion di muchanan, hobennan, adultonan y adultonan mayor;
- E infraestructura di e centronan di bario mester di mas atencion pa por tene mas actividadnan na beneficio di e comunidad;
- E centronan di bario ta haya subsidio limita di CEDE Aruba cu no ta yega pa logra organisa mas actividad pa e muchanan, hobennan, adultonan y adultonan mayor cu ta bishita e centronan di bario.

Ta dicidi pa urgi gobierno di Aruba:

- Pa denter di 6 luna haci un investigacion hunto cu e centronan di bario pa aumenta subsidio structural y stipula un subsidio anual basico realistico;
- Pa denter di 9 luna stipula un fondo di motivacion pa e dirigentenan y un fondo di inversion pa profesionalisacion di e dirigentenan, coordinadoman y voluntarionan;
- Pa denter di 9 luna desaroya un plan multianual, hunto cu e centronan di bario basa riba nan necesidad, pa mantencion y renobacion di e infraestructura;
- Pa percura pa aloca extra subsidio pa programanan cu meta specifico dirigi riba e muchanan, hobennan, adultonan y adultonan mayor;
- Pa denter di 6 luna evalua e eficiencia di e sistema di subsidio via CEDE Aruba y si e subsidio ta suficiente pa por logra e metanan di desaroyo optimal di e comunidad;
- Pa sigui cu e combersacionnan cu e centronan di bario y evalua e posibilidad pa exoneracion riba diferente permiso (vergunning) y asina logra baha e gastonan di e centronan di bario;
- Pa denter di e cuadro di maneho di ministerio di asuntonan social crea un sistema di monitor y evaluacion riba e eficiencia di e subsidio cu envolvimento y participacion di e comunidad.

Y ta pasa pa orden di dia.

tempo cu a sinta den pasado cu centronan di bario y awor presente loke cu ta e preocupacion di mas grandi di e centronan di bario ta fondo. E centronan di bario na Aruba tin e scarsedad na fondo pa nan por maneha un centro di bario manera

mester ta. Pesey mes fraccion di PPA ta kere cu mester aloca un fondo na e centronan di bario pa asina nan por uza esaki efectivamente unda cu nan por logra metanan na bienestar general pa formacion di nos comunidad. Sinembargo

no mester kita afo cu CEDA Aruba ta duna centronan di bario placa pa nan por maneha un centro di bario , pero ta ripara cu e suma no ta yega, esaki por wak e na e situacion di e centronan di bario.

Pa e motibo aki mes fraccion di PPA lo presenta un amienda den e presupuesto supletorio di Pais Aruba pa pone placa cu tin pa inverti na centronan di barionan. Sinembargo e lo no keda na e amienda solamente , pero cu lo traha un plan unda cu lo enfoca riba 4 puntonan esencial pa cuminsa inverti den e serhumano, programanan di educacion, pero tambe riba e parti di infraestructura.

Pa aña nan largo centronan di bario a traha pa tin nan barionan sano unda cu mucha, hoben y adultonan ta frecuente y pasa tempo den un luga save, pero na mes momento pa nan por recrea nan bienestar general.

Clasificados

SOLODIPUEBLO@GMAIL.COM
CEL.585 9500

OPENBAAR
MINISTERIE
ARUBA

Corte di Prome Instancia 25 augustus 2025

Horario	Sospechoso	Acto Castigabel
11.00	A.S.S.	S. ta wordo acusa di posesion di un revolver y balanan den e periodo di 2 di augustus 2025 pa 6 di augustus 2025.

TILBURG A RICIBI STUDIANTENAN CARIBENSE



Den Haag – Den e stadhuis di Tilburg a tuma lugar un recepcion pa e studiantenan Caribense cu e aña aki a bin Tilburg pa sigi un estudio na Fontys Hogeschool. Entrenan tambe algun estudiante di Aruba. Tambe presente na e ocasion tabata director di Gabinete di Aruba

Joselin Croes LL.M/M.Sc, studiemmentor pa e region di Brabant Rasnaly Carti y representantenan di Fontys Hogeschool.

Den stadhuis e grupo a wordo ricibi pa wethouder Evelien Kostermans cu den su cartera tin entre otro diversidad y inclusion,



naturalesa, participacion social y hubentud. E wethouder a tene un discurso cortico riba su trabao, riba e ciudad di Tilburg y finalmente a intercambia di pensamento

cu e studiantenan. Despues e wethouder a hiba e grupo riba un tour den e Stadhuis y a muestra nan e raadzaal unda e reunionnan di e gemeenteraad ta tuma

lugar y otro salanan di e Stadhuis.

Nota pa redaccion: Na momento di publicacion menciona e nomber di e fotografo Joris Buijs.



SOLO
Di Pueblo

BRIYANDO FUERTE • TRECIENDO CLARIDAD



Den Haag

Stemt u 29 oktober voor de Tweede Kamer?



Registreer u uiterlijk
17 september als kiezer
buiten Nederland
→ stemmenvanuithetbuitenland.nl

Meer informatie ontvangt u van de medewerker van de Vertegenwoordiging





Aruba
Oranjestad

Curaçao
Willemstad

Sint Maarten
Philipsburg

Lider di fraccion di PPA Otmar Oduber

GOBIERNO TA ACTUANDO MANERA
MESTER TA RIBA SITUACION DI MERCA Y
VENEZUELA DEN REGION

Reunion di presupuesto supletorio di pais Aruba a keda cancela, pa asina Prome Minister por atende cu e situacion tenso cu tin den region riba loke ta trata e barconan di guerra di Merca den region. Den un reunion categorisa como ‘Besloten Bijeenkomst (BB)’ Prome Minister Mike Eman a informa Parlamento di e situacion y con gobierno tin pensa di atende cu e situacion aki. Reunion porta cera

E reunion tabata uno porta cera, unda Prome Minister y tur e instancianan envolvi tambe tabata presente pa duna informacion. E noticia a cuminsa plama riba e rednan social , pero despues e medionan Latino tambe a cuminsa saca e informacion di e situacion entre Merca y Venezuela. Lider di fraccion di PPA Otmar Oduber a duna di conoce; “Cu e informacionnan ricibi, sigur ta

duna un sentimento cu gobierno ta actuando manera mester ta. Mas ainda cu e informacionnan necesario mester sali for di un solo canal, cu ta Prome Minister Mike Eman, pa asina pueblo haya e informacion corecto di e trabounan cu ta andano y con Aruba mester prepara”. PPA ta satisfecho cu informacion

“Fraccion di PPA por bisa cu nos tin un curason trankil cu gobierno di Aruba ta bezig, ta na altura y ta den contacto cu tur e instancianan y tambe madre patria Hulanda pa e actividadnan cu ta tumando lug. Fraccion di PPA tin tur e confiansa mirando e forma cu prome minister a bin papia y informa Parlamento den un forma habri, unda ta dunando atencion cu ta necesario y cu comunidad di Aruba lo keda informa na su debido momento”, Otmar a subraya.



Lider di fraccion di PPA ta kere cu loke ta importante den henter e proceso aki ta, pa gobierno keda informa comunidad di e pasonan y pa nos tur keda trankil. “Loke cu no por evita ta, cu e situacion ta hala hopi atencion internacionalmente.

Ta di compronde cu na Aruba e comunidad tambe ta drenta den un preocupacion y p’esey mes ta importante pa gobierno di Aruba, atende cu e situacion corectamente pa keda informa Parlamento y comunidad di Aruba,” Otmar a finalisa bisando.

OFICINA PRINCIPAL DI DEPARTAMENTO DI IMPUESTO TA CERA
PA PUBLICO DIA 25 Y 26 DI AUGUSTUS 2025
EN CONEXION CU TRABOUNAN DI MANTENCION NECESARIO

Valido dia 25 y 26 di augustus 2025		
Localidad	Servicio	Orario
Oficina principal na Camacuri	-----	Cera
Oficina anexo na Camacuri	- Busca plachi di number (porta nr. 2) - Entrega documento (porta nr. 5)	7:45 - 11:30 1:15 - 3:30
MFA Paradera	- Entrega documento	8:00 - 12:00 1:00 - 3:00
E oficianan situa na: MFA Noord MFA Paradera MFA Santa Cruz MFA Savaneta Postkantoor San Nicolas	- Servicio di caha - Registra auto - Haci cambio riba vehiculo di motor - Entrega plachi di number	8:00 - 12:00 1:00 - 3:00
Servicio na cliente via telefon 5227424 ta continua manera custumber.		7:45 - 11:30 1:15 - 3:30

– Departamento di Impuesto ta anuncia cu su oficina principal na Camacuri lo ta cera pa publico dialuna dia 25 y diamars dia 26 di augustus 2025. Esaki ta debi na trabounan di mantencion necesario na e edificio. Mientrastanto Departamento di Impuesto kier segura cu ta sigui brinda servicio na publico sin interrupcion. Siguiyemente ta sigui un skema di e

servicionan. E servicio na cliente via telefon 522 7424 ta continua durante e orario di custumber: 7:45 - 11:30 | 1:15 - 3:30. Departamento di Impuesto ta pidi su contribuyentenan pa tuma bon nota di e anuncio importante aki pa asina evita cualkier inconveniencia. Gerencia di Departamento di Impuesto

MEGA CAR SALES 2025

MEGA Car Sales 2025 a lansa oficialmente cu inovacion, oportunidad y un premio impactante!

Oranjestad – 22 di augustus 2025 - Aruba Bank a lansa oficialmente su campaña anual: MEGA Car Sales 2025. E periodo di campaña ta di 22 di augustus te cu 6 di september 2025. Mas cu djis e campaña, e evento iconico ta brinda un experiencia completo pa tur hende cu ta busca un auto nobo. Ofertanan financiero y hasta e chens pa gana bo auto completamente GRATIS, te na un balor di AWG 100.000*.

Beneficianan di e campaña MEGA ta inclui:

- 0% downpayment
- Paga te na maart 2026
- Termina di pago te cu 7 aña*
- Interes competitivo entre

5.00% – 5.25%

- Seguro cu descuentonan special
- Aprobashon on-the-spot durante MEGA Night
- Representantenan di banco cu tey pa guiabo scohe un auto cu ta fit bo presupuesto.

Tur cliente cu su prestamo ta aproba durante e periodo di campaña ta automaticamente drenta den sorteo pa gana nan auto bek sin ningun paso extra. E ganador lo wordo anuncia dia 30 di september 2025.

Nobo: Formulario digital pa acelera e proceso di aplicacion Pa facilita e proceso di aplicacion durante MEGA Night, Aruba Bank a introduci un formulario digital. Clientenan por yena e formulario riba www.arubabank.com/mega, pa haci su proceso mas rapido dia di e evento.



MEGA Night – 6 di september 2025

E campaña ta culmina cu e evento di MEGA Night, dia 6 di september di 5:00 pa 9:00 anochi riba e parking lot di Aruba Bank Camacuri. Car y motorcycle dealers lo ta presente cu un

variacion grandi di modelonan di auto pa bo por escohe. Pa mas informacion bishita www.arubabank.com/mega y sigui nos riba Facebook & Instagram: @arubabank. Bishita bo car of motorcycle dealer preferi awe mes pa bo lock bo Mega deal!

PPA TA DESEA TUR DOCENTE Y ALUMNO UN AÑA ESCOLAR 2025-2026 EXITOSO

Aña escolar nobo ta cuminsa awe y Eduard Pieters di fraccion di PPA ta desea tur mucha hopi exito pa e aña venidero y tambe specialmente na tur docente, forsa pa e aña escolar nobo. PPA ta confia den tur docente cu ta haci un tremendo trabou cu nos muchanan pa formacion di nos nacion. Tur docente cu ta traha pa dedica na nos muchanan y hobennan ta duna e granito pa un miho generacion y fraccion di PPA ta hopi agradecido cu esaki.

Pa loke ta trata e muchanan y hobennan mes, nan a pasa un temporada di vakantie y tabata por a drumi mas laat, pero awe e orarionan mester cambia pa cuminsa drumi un poco mas trempan y pa focus pa ta na scol. Esunnan cu a biaha pa sigui nan estudio den exterior tambe PPA ta desea nan tur exito den boso soño y vision cu kier logra. Sinembargo

no mester lubida cu Aruba mester di boso na momento cu caba di studia y cu Aruba su portanan ta habri pa bin bek y aporta na bo Pais.

PPA ta keda pone enfoke riba e docentenan mirando cu nan ta traha y pone e amor den nan klas unda cu ta organisa y hasta verf nan propio klas, esaki sigur ta di bisa danki na cada uno cu nan aporte banda di nan trabou mes cu ta duna les.

Fraccion di PPA mes awor lo bay pone mas enfasis riba loke ta trata restauracion di salario di e maestronan pa asina mira si e comision a keda cla y of cu a traha riba e parti aki mirando cu gobierno anterior a pone un comision y basicamente tur cos ta cla, pero na momento cu e gobierno a cambia a instala un

otro comision di e gobierno actual, pero no a tende nada ainda na e momentonan aki. Eduard Pieters di fraccion di PPA ta lamenta cu e scenarionan ta asina mirando cu gobernacion ta continuacion, pero den e caso aki no ta asina.

Tin un otro comision cu a keda instala di e gobierno di AVP – FUTURO, pero cu ta bay tin un diferencia den e resultado cu e prome comision a saca, no lo bay tin. Sinembargo pa a cambia di comisionnan a perde hopi tempo pa por duna maestronan loke nan merece pa haya, esaki nos ta yama perdemento di tempo.

No ta un secreto cu mester mehora e structura salarial di maestronan y fraccion di PPA lo keda hopi atento pa loke ta trata e desaroyonan aki, pero na mes momento mester sigui motiva e docentenan pa medio di e directiva



nan di scol. Nos no mester lubida cu maestronan ta arkitecto di un sociedad, nan ta esunnan cu ta forma hobennan hunto cu e mayornan pa un sociedad cu personanan impodera, critico pa asina nos tin un Pais liber di delincuencia y liber di corrupcion. E maestronan ta un di e arkitecto di comunidad y PPA tin tur confiansa cu e aña escolar 2025-2026 lo ta un exito pa nos muchanan.

METACORP A LOGRA CERTIFICACION DI SOSTENIBILIDAD DI GREEN GLOBE

MetaCorp, e compania mas bieu di Aruba, a obtene su certificacion di sostenibilidad pa medio di e organisacion reconoci mundialmente, Green Globe. Nan ta orguyoso di anuncia cu, no solamente a logra certificacion di Green Globe, pero a haci esaki cu un puntuacion excepcional, poniendo e compania den e porcentahe di mas halto. Ademá, MetaCorp tambe ta e prome compania di su tipo pa obtene e certificacion di Green Globe.

Estableci na aña 1920, pa hopi tempo MetaCorp tabata un campeon di Corporate Social Responsibility (CSR), contribuyendo consistentemente na cambio positivo a traves di asociacionnan comunitario impactante y colaboracionnan sin fin di lucro. MetaCorp tambe a alinea su operacionnan cu e Metanan di Desaroyo

Sostenibel (SDGs) di Nacionnan Uni y a crea y establece programanan y actividadnan nobo continuamente.

MetaCorp tabata e prome, y ta un di e unico companianan priva di Aruba cu tin un team estableci di trahadonan social interno cu ta enfoca riba e bienestar di tur empleado, tanto na Aruba como na Corsou.

Separa di esfuersonan interno, MetaCorp tambe ta asocia cu organisacionnan manera Telefon pa Hubentud cu ta impacta e comunidad di mucha, Sonrisa, cu ta impacta esnan cu nesidadnan special. STEM EMBASSY, cu ta defende y promove descubrimiento y conocimiento di STEM pa Hubentud di Aruba y Trampolin pa Trabou, cu ta contribui na e participacion di esnan cu necesidad special den mercado



laboral.

Den un esfuerso pa sigui mehora e programa di sostenibilidad, a selecta Green Globe como e partner di escogencia pa certificacion. Green Globe ta existi pa mas di 25 aña y ta un organisacion di certificacion di sostenibilidad reconoci mundialmente. E proceso a encera pa revisa y reimagina e practicanan di negoshi, implementa sistemanan di seguimiento, realiza un audit amplio di actividadnan actual

a traves di un lens di sostenibilidad y ESG.

“Pa mas di 100 aña, MetaCorp a contribui na crea un impacto positivo den comunidad. Como e compania di mas bieu na Aruba, no ta simplemente un placer, pero un responsabilidad pa yuda unda y ki ora cu por. Nos accionnan cu ta sostene e idea aki, semper a existi. Toch segun cu mundo ta modernisa, terminonan y cuadronan nobo a cambia. Sostenibilidad no ta algo nobo pa nos, pero e tabata

un trayecto fascinante door di e proceso di certificacion aki pa mira tur nos accionnan actual documenta haciendo uzo di e cuadro nobo aki, banda di ideanan innovativo, pa haci nos mas sostenibel ainda y pa aumenta e impacto positivo riba nos isla”, tabata palabra di Eddie de Veer, CEO di MetaCorp.

E compania netamente Arubiano ta orguyoso di e logro aki y ta entusiasma pa loke ta bin mas dilanti!

EINDHOVEN A RICIBI STUDIANTENAN CARIBENSE

Den Haag – E municipio di Eindhoven tambe a habri su portanan pa ricibi e grupo di studiantenan Caribense cu e aña aki a bin Eindhoven pa sigi un estudio na Fontys Hogeschool. Mescos cu e caso na Tilburg aki nan tambe tabata presente director di Gabinete di Aruba Joselin Croes LL.M/M.Sc, studiementor pa e region di Brabant Rasnaly Carti y representantenan di

Fontys Hogeschool.

Den Stadhuis e grupo a keda ricibi pa wethouder Samir Toub cu tin den su cartera entre otro diversidad, cuido y hubentud.

Durante su encuentro wethouder Toub a tene un intercambio hopi informal y habri cu e studiantenan unda ela encurasha nan pa sigi nan caminda den nan studio, reconoce di unda bo ta bin y tene cuenta



cu studia ta duro, pero logra caba bo estudio cu exito ta brinda asina hopi

oportunidad riba un bon trabao.

Nota pa redaccion: E potretnan ta cortesía di Gabinete di Aruba

10de Trekking										21 augustus 2025																						
TIEB	1999	125	4501	150	6671	150	9074	100	11123	150	13209	150	15169	150	17212	150	19323	150	21399	125	23512	150	25799	125	27812	150	29699	200	31752	150	34078	150
	4502	150	6674	100	9099	125	11146	150	13212	150	15173	150	17254	150	19334	150	21400	150	23527	150	25804	150	27825	150	29710	150	31774	150	34098	150		
TALLER	1999	125	4501	150	6671	150	9074	100	11123	150	13209	150	15169	150	17212	150	19323	150	21399	125	23512	150	25799	125	27812	150	29699	200	31752	150	34078	150
	4502	150	6674	100	9099	125	11146	150	13212	150	15173	150	17254	150	19334	150	21400	150	23527	150	25804	150	27825	150	29710	150	31774	150	34098	150		
TALLER	1999	125	4501	150	6671	150	9074	100	11123	150	13209	150	15169	150	17212	150	19323	150	21399	125	23512	150	25799	125	27812	150	29699	200	31752	150	34078	150
	4502	150	6674	100	9099	125	11146	150	13212	150	15173	150	17254	150	19334	150	21400	150	23527	150	25804	150	27825	150	29710	150	31774	150	34098	150		
TALLER	1999	125	4501	150	6671	150	9074	100	11123	150	13209	150	15169	150	17212	150	19323	150	21399	125	23512	150	25799	125	27812	150	29699	200	31752	150	34078	150
	4502	150	6674	100	9099	125	11146	150	13212	150	15173	150	17254	150	19334	150	21400	150	23527	150	25804	150	27825	150	29710	150	31774	150	34098	150		
TALLER	1999	125	4501	150	6671	150	9074	100	11123	150	13209	150	15169	150	17212	150	19323	150	21399	125	23512	150	25799	125	27812	150	29699	200	31752	150	34078	150
	4502	150	6674	100	9099	125	11146	150	13212	150	15173	150	17254	150	19334	150	21400	150	23527	150	25804	150	27825	150	29710	150	31774	150	34098	150		
TALLER	1999	125	4501	150	6671	150	9074	100	11123	150	13209	150	15169	150	17212	150	19323	150	21399	125	23512	150	25799	125	27812	150	29699	200	31752	150	34078	150
	4502	150	6674	100	9099	125	11146	150	13212	150	15173	150	17254	150	19334	150	21400	150	23527	150	25804	150	27825	150	29710	150	31774	150	34098	150		
TALLER	1999	125	4501	150	6671	150	9074	100	11123	150	13209	150	15169	150	17212	150	19323	150	21399	125	23512	150	25799	125	27812	150	29699	200	31752	150	34078	150
	4502	150																														

UREN VAN UITBETALING:
CURAÇAO : 8.00 - 15.00 (maandag t/m vrijdag)
 Tel: 462-4088

ARUBA
Oranjestad : 8.00 - 12.00 en 13.30 - 16.30
 Tel: (002975) 824784
San Nicolas : 8.30 - 16.00 (maandag t/m vrijdag)
 Tel: (002975) 845200

BONAIRE : Maandag tot en met vrijdag
 8 tot 11 uur voormiddag
 1 tot 3 uur namiddag
 Tel: (0717) 7047

ST. MAARTEN: 7.15 - 12.30
 Tel: 0017215424536

SABA: s.v.p. bellen
 Tel. 0017215228528

ST. EUSTATIUS : 0318-3368, 0318-3088, 0318-4051



LANDSLOTERIJ
AT'ABO SA!



LANDSLOTERIJ
AT'ABO SA!

ST. MAARTEN: 7.15 - 12.30
Tel: 0017215424536

SABA: s.v.p. bellen
Tel. 0017215228528

ST. EUSTATIUS : 0318-3368, 0318-3088, 0318-4051

CHAUFFEUR A BAY KITA PA CACHO BAY DAL UN PALO DI LUS NA PARAGUANA



Diahuebs atardi a drenta informe di un accidente cu hende herida na Paraguana, mesora a dirigi un patruya na e sitio. Na yegada di e

patruya a bin compronde cu aki ta trata di un accidente unda cu un chauffeur lo a bay kita pa un cacho y a bay dal riba un palo di lus.

Debi na e impacto e chauffeur a resulta herida pero no tabata desea atencion di ambulans.

UNION CARISMATICO HUBENIL ARUBA CU RETIRO SPIRITUAL PA HOBEN

UCHA ta para pa Union Carismatico Hubenil Aruba y e comision a prepara un Retiro Spiritual special di hoben pa hoben, manera obispo emerito L.A.Secco a pidi, prome cu el a baha cu pensioen y e meta ta pa e hoben sigui engrandece su Fe. E Retiro Spiritual aki ta tuma luga den e weekend di 5-6-7 di september venidero na Club San Martin, situa na Sta. Cruz y ta pa hobennan di edad 14 – 30 aña. Contribucion ta Afl.40,00 incluso cuminda. E hoben

por haya formulario di inscripcion na pastorie di su parokia. Pa mas informacion por tuma contacto cu hoben Shavi (Shavaliene) na cel 5686992 of miembro di comision Sasha (Shajaira) na cel 5941418. Orario di e Retiro Spiritual ta manera ta sigui: Diabierna, 5 di september 6.00 - 10.00 pm // Diasabra, 6 di september 8.30 am - 6.00 pm // Diadomingo, 7 di september 8.30 am - 5.00 pm. Hoben, bin Biba bo Fe cu Bida den Spirito Hubenil!

Clasificados

CLASSIFIEDS

SOLODIPUEBLO@GMAIL.COM
CEL.585 9500

SOLO Di Pueblo

BIBA BO FE
Bida Den Spirito Hubenil

Hoben, bo ta cordialmente invita pa e Retiro Spiritual aki pa asina sigui engrandece bo Fe

Bo tin edad entre 14 aña te cu 30 aña???

5-6-7 di september 2025
na Centro San Martin (St.Cruz)

Inscripcion:
Tin un costo di Afl 40,-
(e ta inclui cuminda)
Formulario: na Pastorie di cada Parokia

Pa mas Info:
Shavaliene Danje 568-6992
Shajaira Geerman 594-1418

"Mi a scucha bo oracion; ora e dia di liberacion a yega,
Mi a sali pa yuda bo" (2 Cor 6,2)

MICHAEL LAMPE COMO DIPLOMATICO CULTURAL TA ANUNCIA CU ARUBA Y ATLANTA A YEGA NA UN NOBO ACUERDO PA EXPORTACION DI TALENTO MUSICAL



Otro logro pa habri mas caminda pa nos talentonan y nos Creative Industries Michael Lampe, Diplomatico Cultural di Aruba, hunto cu Gevolmachtigde Minister Zulema Erasmus, Consulado General di Reino Hulandes na Atlanta (Jaap Veerman) y e plataforma internacional di musica urbano New Skool Rules ta anuncia cu Aruba y Atlanta a yega na un acuerdo nobo di colaboracion. Cu atencion special pa productor, artista y canta autor di

musica urbano di Aruba. E colaboracion ta basa riba e mision exitoso di aña pasa, cu a tin gran impacto riba e bista internacional di talento creativo den e Reino. Durante e mesun mision, Rei Willem-Alexander y Reina Maxima a hasi un bishita na Atlanta, mustrando asina mas e importancia di e brug cultural entre e Reino y Merca. Atlanta ta mundialmente reconocí como e centro di nacimiento di musica hiphop, R&B y trap moderno, y ta ofrece un infraestructura sin igual pa desaroyo artistico y conexon internacional. E trayecto nobo ta habri posibilidadnan di colaboracion den:

- Residencia y writing camps pa productor y artista Arubiano na Atlanta
- Mentorship y acceso na red cu top-producers, A&R's y labels di musica
- Showcases internacional y produccion hunto



• Intercambio di conocimiento tokante produccion di musica, publishing y creative industries “E colaboracion aki ta un inversion estrategico pa nos economia cultural y un oportunidad directo pa pone nos talentonan Arubiano riba mapa mundial,” Michael Lampe, Diplomatiko Cultural di Aruba ta bisa.

“Door di traha hunto cu partner fuerte manera New Skool Rules y e Consulado Heneral di Reino Hulandes na Atlanta, nos ta habri porta pa conexon internacional duradero.” Cu e paso aki, Aruba pa medio di Michael Lampe como Diplomatico Cultural ta confirma su rol como brug entre creatividad di Caribe

y e industria musical internacional, y ta pone enfoke riba exportacion sostenibel di talento cultural. Final di comunicado Nota pa redaccion Pa mas informacion: Michael Lampe Diplomatico Cultural Aruba michael.lampe@arubagovernment.aw +31 643 599 590



E BON NOTICIA

E 7 doctrinanan di
Cristo-Hesus den
Iglesia Catolico

BAUTISMO

Mateo 28: 19-20, Cristo Hesus ta bisa Su Apostelnan: “Bai pues y haci tur pueblo bira Mi discipelnan y bautisanan den nomber di Tata y di Yiu y di Spirito Santo y sinja nan warda tur loke Mi a manda boso. Mira, Mi ta cu bosonan tur dia te na cabamento di mundo”. Huan 3: 5-6; “Hesus a responde: Enberdad, enberdad Mi ta bisa boso, si hende no nace di awa y spirito, e no por drenta den Reino di Dios. Loke a nace di carni, ta carni y loke a nace di Spirito ta Spirito.” Pa medio di Bautismo den Misa, e pika original di Adam y Eva ta wordo kita y e baby ta bira yiu di Dios Tata y tempel di Spirito Santo y su bida eterna a cuminsa.

CONFIRMACION

Echonan 2: 1-4,e Apostelnan di Hesus tabata reuni: “Ora cu dia di Pentecoste a jega, nan tur tabata hunto na e mesun lugar. Diripiente a bini di cielo un ruido manera un biento fuerte a lanta y a yena henter e cas caminda nan tabata sinta. Algo manera candela aparece y a parti Su mes na lenganan y a bai para riba cada un di nan. Nan tur a jena cu Spirito Santo y a cuminsa ta papia den lenganan stranhero, segun Spirito tabata duna nan pa expresa.” Echonan 19: 6; “Despues cu Pablo a pone man riba nan, Spirito Santo a bin riba nan; nan tabata papia den lenganan y tabata profetisa.” Esaki ta sosode ora cu Obispo pone man riba e hobennan, pa nan ricibi Donnan Spiritual.

CONFESION DI PIKANAN
Huan 20: 23; Hesus a bisa

na Su Apostelnan: “Na esnan kende su pikanan boso ta pordona, nan ta keda pordona y na esnan kende su pikanan boso no ta pordona, nan no ta keda pordona.” Akinan Hesus ta duna Su prome Obisponan, e autoridad pa pordona pika.

E EUCHARISTIA

Lucas 22: 19-20; “Despues Hesus a cohe e pan, a gradici Dios, a kibr'e, a duna nan y a bisa: Esaki ta Mi Curpa cu ta entrega pa boso. Haci'e pa boso corda riba Mi. Di e mesun forma, E'l a cohe e copa despues di cena y a bisa: Esaki ta e Copa di Aliansa Nobo confirma cu Mi Sange, cu lo ta derama pa boso.” Huan 6: 53-54; “Hesus a responde nan: Mi ta sigura boso, si boso no come Carni di Yiu di hende y no bebe Su Sanger, boso lo no tin bida den boso. Esun cu come Mi Carni y bebe Mi Sanger tin bida eterna y Ami lo lante for di morto riba e ultimo dia.” Den e Santa Eucaristia den Misa, nos ta sigi recorda Cristo Hesus Su Sacrificio y Morto na Crus y den e Santo Comunión, nos ta sigi ricibi e Curpa y e Sanger di Cristo Hesus pa bida eterna.

MATRIMONIO

Mateo 19: 4-6; “Hesus a duna pa contesta: Boso no a lesa, cu na principio Dios Creador a traha hende homber y muher y a bisa: Pa esey e homber lo laga su tata y mama pa e mara su mes na su muher y e dosnan aki lo bira un curpa. Asina pues ya mas nan no ta dos, siendo cu nan a bira un solo curpa. Pa esey loke Dios a uni, hende no ta permiti di separa di otro.” E union matrimonial

aki, ta sosode den Misa pa medio di un sacerdote y Dios no ta reconoce divorcio. E union di curpa, ta pa e pareha haci relacion sexual pa forma famia.

ORDEN SACERDOTAL

Marco 3: 13-15 ;”Hesus a subi riba sero y a jama esnan cu E tabata kier y nan a bin cerca dj'E. Asina E'l a forma un grupo di 12 cu E'l a jama Apostel. E'l a scohe nan, pa nan companj'E y a mandanan predika, cu poder pa saca demonio.” Mateo 16: 18-19 ; “Ami awor ta bisa bo: Bo ta Pedro y riba es baranka di piedra aki, lo Mi traha Mi Iglesia y e forsan di fierno lo no podera di dje. Lo Mi duna bo yabinan di Reino di Cielo y tur loke bo mara na tera, lo ta mara den cielo y loke bo los na tera, lo ta los den cielo tambe.” Echonan 20: 28; “Cuida bosonan tur y tur e rebanjonan di carne cu Spirito Santo a pone na boso encargo, manera Obisponan pa cuida e Iglesia di Senjor. E Iglesia cu E'l a gana cu Su mesun Sanger.” E Apostelnan ta e prome Obisponan y San Pedro ta e prome Vicario di Cristo Hesus, cu ta e prome Papa di Iglesia.

UNCION DI ENFERMONAN.
Hacobo 5: 14-15 ; Esnan cu ta enfermo, lag'e jama e ancianonan di Iglesia, pa nan resa p'e y hunt'e cu azeta den Nomber di Senjor. Y e oracion haci cu fe, lo salba e enfermo, Senjor lo lant'e y si e'l a haci pikanan, Senjor lo pordon'e.” E Ancianonan di Iglesia ta e Sacerdotenan. Seferino Tromp

SUDOKU

	7		6					
	9		5		3		1	7
				1				
	8						4	3
		2				6		
4	5						7	
				3				
7	4		2		5		6	
					4		2	

	3	8	5	7			9	
	6			1		5		7
	1		3		9		8	
6	9	3		4		7		
2		4			5		6	1
				8			4	9
8			4			9		
3					8	6	7	
5	7		1					4

			8		1			
						4	3	
5								
				7		8		
						1		
	2			3				
6							7	5
		3	4					
			2			6		


TEMBLOR SINTI AWENOCHI PAZUID DI ARUBA!

Diahuebs anochi a drenta informe di un sismo sinti pazuid di Aruba pa exactamente 10:30pm. E epicentro tabata na 17 KM panort di Cabo San Roman y tabata tin un magnitud di 3.10 na e scala di Richter. Door cu tabata den anochi no por a logra raporta ningun daño visibel na e momentonan ey pero si por a sinti e efectonan di e sismo.

RUMANNAN MOROCHO BUSCA PA HINCAMENTO KAPMENTO AWEMAINTA



Diabierna mainta a drenta informe di cu tin un caso di hincamento/kapmento na Madiki unda un persona hoben a yega tur na sanger na Madiki, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un persona cu lo a haya problema cu e rumannan morocho y nan lo a hink'e of kap e cu su brasa tabata tur na sanger, pa scapa su bida ela core di banda di Ex-hotel Central te na Madiki unda polis a encontre. Na yegada di e ambulans nan a atende y transporte pa hospital. Awor polis ta enbusca di e rumannan morocho.



HOTLINE



744-0444

CAPT'E
Y MAND'E



3.10

Richter Scale
Felt by people, little damage.



8/21/25, 10:30:00 PM



23 km away



12.340°N, 69.990°W



46 km depth



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - August 22, 2025

CATOCCHI
Sorteo # 4719
3876
5918
5990
MULTI-X
Fp
BIG 4
Sorteo # 4719
3988
MULTI-X
x3
10FF
Sorteo # 2775
9834
ZODIAC
Sorteo # 4719
7438
leo
LUCKY 3
Sorteo # 1593
557
MULTI-X
Fp

LOTTO 5	Joker Letter
0 x Jackpot	Proximo Jackpot
0 x Match 4+	450.000,-
0 x Match 4	
0 x Afl. 12,00	

LOTTO DIA	Proximo Jackpot
Sorteo #	65.000,-
0 x Jackpot	
0 x Match 4	
0 x Afl. 8,00	

MEGA	Mega Ball
Sorteo #	Proximo Jackpot
0 x Jackpot	600.000,-
0 x match 4	
0 x Afl. 500,00	
0 x Afl 50,00	
0 x Afl. 15,00	

MEGA	Afl. 875.000,-
MEGA PLUS	

KORSOU	Sorteo #
Sorteo #	
Sorteo #	
Sorteo #	



“Mi no a muri, ta p’esey mi no a bisa ayo,
mi a djis habri mi halanan y bula bay keiro.
Boso a keda atras, no laga tristesa domina boso,
keda uni un cu otro, pa mi alma esey lo ta un alegria.
Recorda mi cu hopi amor.”

Cu inmenso tristesa pero conforme cu Dios su boluntad, nos ta anuncia e fayecimento di nos mama, wela, bisawela, ruman y tanta stima:

Sra. Petra Josefa Faro-de Cuba

mihor conoci como “Petra, Eliza, mama Petra, tante Petra of Oma Petra”
16 maart 1940 – †13 augustus 2025

E ta e ultimo yiu di su mama:
† Johanna “Nana” de Cuba
Esposo: Isnardo (Chonai) Faro
Yiunan:
Jorge Faro y Suzy
Junior Faro y Gilienne
Nieta y nieto nan:
Jennelaine, Sharianne, Jurienne, Matt, Sean, Jaydan, Trevor, Xyon, Marie-Elize
Bisanieto: Keviën na Hulanda

Rumannan:
† Dorothea de Cuba y famia
† Antonio (Tony) de Cuba y † Clotilde Britten
† Louisa Hondong-de Cuba y † Jozef (Joep) Hondong
† Sixto de Cuba y † Henny Blauw
Maria Britten y famia na Corsou
Julio Britten

Sobrino y sobrinanan na Aruba y Hulanda:
† Marciano (Chano) y Marieta de Cuba y famia
† Robert de Cuba
Lourdes de Cuba y famia
† Ivonne de Cuba y famia
Rudy y Lud de Cuba y famia
Anthony y Theresa de Cuba y famia
Jo en Barbara Hondong
Mieke Hondong en † Fer de Ridder
† Hein en Patty Hondong
Raimond Hondong
Theo Hondong
† Rob Hondong
Wil en Annet Hondong

Tanta y omonan, primo y primanan, comer y compernan y tur su ihanan.
Compañeronan di Coro Santa Anna di misa di Nort, Coro di Hospital y tur
otro Coro cu e tabata activo den dje pa e ultimo 50 aña.
Bon bisiñanan:
Emerita y Ladjo Faro, Bea y Pedro Tromp.

Un danki special pa su enfermera di cama y resado:
Ita Ridderstaat.
Y tambe na reverendo Theo Zievinger pa resamento, santa olio y santa
comunion.
Na Dr. Hertogen c.s. y Dr. Daryanani.

Demas famianan:
de Cuba, Faro, Hondong, Brete, Jacobs, Infanzón, Dabian, Webb, Vrolijk, Dijkhoff,
Kock, Farro, Ruiz, Tromp, Roza, Eckmeyer, Danje, Medina, Arends, Quevedo, y
demas famia, amigo y conocirnan na Hulanda, Corsou y Boneiro.

Acto di condolencia lo tuma lugar: diabierna 22 Augustus 2025 na Olive Tree Funeral
Care & Crematory na Piedra Plat 27 Z, di 7’or pa 9’or PM.
E acto di Entiero lo tuma lugar diasabra 23 augustus 2025 na Misa di Nort di 2’or pa 4’or PM, y despues nos lo hiba Petra pa su ultimo lugar di
descanso den Santana Catolico di Nort.

Nos lo aprecia bo contribucion pa “Coro Santa Anna”, e coro cu semper a trece alegria pa nos. Lo tin un box disponible.

Nos disculpa si den nos tristesa nos por a lubida cualkier famia.

Entiero lo wordo transmiti via Facebook livestreaming pa su familiarnan cu no por ta presente.



FORTALEZA PA FAMILIA,

Scirbi pa Pastor Marcel Balootje.

ALEHA FOR DI MALDAD Y HACI E BOLUNTAD DI DIOS

E boluntad di Dios ta pa nos stima otro, pa nos trata otro bon tur momento y asina demostra cu nos ta yuinan di Dios.

Asina cu nos ta:
Menosprecia otro ,
Ganja riba otro,
Chercha otro,
Discrimina otro,
Perhudica otro,
Kibra otro,
Ofende otro, Maltrata otro,
e amor di Dios no ta den nos.

Caminda e presencia di Dios ta e fruta di Spirito Santo ta wordo manifesta. Den nos bida e fruta di Spirito ta santo tey, y e mester wordo biba, no solamente bisa cu Spirito Santo ta den nos pero e mester por wordo demostra.

Awor e buki di Galationan ta bisa nos bon cla cu tin nueve fruta di Spirito santo. Ta pesey nos tin cu busca tur manera pa e fruta di Spirito Santo ta abunda

den nos, pa asina bondad di Dios, sali for di nos.

Mundo ta yena cu maldad, pero no ta pasobra mundo ta yena cu maldad, hende tin cu imita mundo.
Tur hende sa cu ora tin hopi stof, of ora awa ta cay , mester sera porta y bentana di cas, pa evita cu stof of awa ta yena bo cas.

Awel ta mesun cos nos tin di trata cu maldad, pasobra maldad kier penetra tur caminda, y si nos no sera porta pa inmoralidad, inhusticia, y perversidad cu kier influencia tur caminda, facilmente nos por wordo contamina.

Ta hopi cos tin ta pasando cu hende mester evita di participa den cosnan asina y tambe no apoyo locual ta contra boluntad di Dios, no ta importa ta ken ta hacie, porta ta bo propio yiu, bo ruman , maldad ta keda maldad y pica ta keda pica.

Pasobra como hende nos ta campeon pa wak den

bida di otro hende, pero ora e ta toca nan nos porta, nos kier tolera y complace, pero esey no ta bini di Dios, pasobra ta tempo pa rechasa maldad y biba pa Dios.

Y no tene miedo na unda bo ta, splica na un manera nechí , dicon bo no ta tuma parti, pasobra bo no ta apoya maldad, y tambe splica tambe e consecuencia di maldad ora hende no kier stop y arepentí.

Hopi hende ta mira maldad ta tuma lugar of ta tumando lugar na nan

cana bay pa nan no perdé nan trabao, of pa e hefe no rabia cu nan.

Laga nos tur ta na altura cu Dios ta odia maldad, Dios ta odia pica, y segun Proverbionan 6:16 tin seis cos cu Senjor ta odia y e di siete ta abominacion p'E.

Y ta para scirbi cu orguyo of wowonan altanero ta bini na prome lugar, Sigi pa lenga mentiroso,

Mannan cu ta drama sanger inocente,

Curason cu ta plania maldad,

Pianan cu ta lihe pa corre haci maldad,

Un testigo falso cu ta papia mentira,

y esun cu ta sembra desunion entre rumannan.

scuridad, ma awor boso ta lus den Senjor, cana como yuinan di lus.

Y no participa den e obranan infructifero di scuridad, ma mas bien expone nan.(Efesionan 3:8-11).

Si bo ta na altura cu bo yiu ta hcaiendo algo contra boluntad di Dios, poniendo su mes na peliger y otronan, no tarda pa bise, tuma bo autoridad como mayor, y para locual ta maldad y inhusticia, pasobra Dios mes a duna autoridad como mayor pa bo haci esey.

Laga nos perdona otro y biba na pas cu otro, mescos cu Dios a duna nos oportunidad pa lanta riba, laga nos tambe duna oportunidad na nos prohimo.

Sinceramente, Pastor Marcel Balootje.



Oracion di dia

Un feliz dia yena di hopi fe y speransa den nos bon Dios

“...sino conta e generacion venidero: esta gloria di Señor, su poder, ye cosnan milagroso c’El a haci.” (Salmo 78, 4bc)
E Evangelio di awe ta cuadra, manera semper, tempo cu ami tabatamucha. Mi mayornan semper tabata educa mi tocante di Dios, CristoHesus y Spirito Santo. Y un Bijbel no tabata haci falta. Haci oracionta cos di tur dia. Y sin falta bishita e cas di Dios.

Awendia nos ta ripara e generacion di awo, no tin mucho balor pa cuDios. Pero anos a sigui conta nos yiunan tocante di Dios manera nosgrandinan a haci? Anos a siña e hubentud tocante e milagronan ysacrificio cu Cristo Hesus a haci? Of di e donnan cu Spirito Santo tinpa nos? Y anos a tene man di nos yiunan, hibando nan, tur siman, pacas di Dios pa scucha su Palabra? Ban sigui cu e bunita custumber cunos grandinan a haci. Ban sigui hiba e futuro generacion ariba ecaminda cu Cristo Hesus a traha pa nos. ”...pa nan tambe confia denSEÑOR, no lubida Dios su obranan grandi...”(Sal 78, 7)
Oracion: Señor mi Dios motiva mi y guia mi, cu yudansa di SpiritoSanto, ariba mi responsabilidad pa conta y educa e generacion nobo di Bo Maraviya.

Y inspira nan pa nan sigui conta na e siguiente generacion.
Amen.

*Ora e solo di bida baha,
streanan ta ilumina e acuerdonan*

SVb, Banco di Seguro Social
ta extende su mas profundo
condolencia na colega
Jorge Faro y famia
cu fayecimento di su mama

Sra. Petra Josefa Faro - de Cuba

Hopi forza den e momentonan dificil aki.
Cu Sra. Faro - de Cuba sosega
den paz di Señor.

Di parti di tur colega na SVb

